

REFERAT UIA - Utoqqarnik Isumassuinernullu Ataatsimiititaq d. 22-09-2025

Mødedato Mandag d. 22. september 2025 kl. 19:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Utoqqarnut Isumassuinerimullu Ataatsimiititami suliat oqaluuserineqartussat pillugit ilisimatitsissut	6
Utoqqaat illuini ingerlatsinermut tunngatillugu nakkutilliineq pillugu ilisimatitsissut.....	9
Gerontopsykiatriip erseqqissarneqarnera (utoqqarnut tarnip nakorsa qarfia).....	12
Tunumi inissiat utoqqarnut naleqqussakkat naliliiffigineqarnissaat pillugu siunnersuut.....	15
Taasariaqartut allat.....	19
Imaqarniliap akuerineqarnera.....	20

Punkt .: Saqqaa

Ilaasortat:

Nitta Lyberth-Mørch (IA)

Per Berthelsen (D)

Alex Hermansen (D)

Martha Abelsen (S)

Egon Poulsen (S)

Beslutning

Peqataapputr:

Nitta Lyberth-Mørch (IA)

Per Berthelsen (D)

Martha Abelsen (S)

Oqarasuaatikkut:

Egon Poulsen (S)

Peqataanngilaq:

Alex Hermansen

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Beslutning

Punkt 1: Utoqqarnut Isumassuiner Mullu Ataatsimiititami suliat oqaluuserineqartussat pillugit ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Bilag 1 Struktur for halvårlig status.docx_2502309.docx_KAL.pdf

Utoqqarnut Isumassuinernullu Ataatsimiititami suliat oqaluuserineqartussat pillugit ilisimatitsissut

Ilisimatitsissut

SagsID.: EMN-2024-02034

Suliffeqarnermut Isumaginninnernullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnernullu Ingerlatsiviup Utoqqarnik Isumassuinernullu Ataatsimiititamut inassuteqaatigaa:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnernullu Ingerlatsivimmit matumuuna suliassat ataatsimiititamit oqaluuserineqartussat, ingerlatsivimmit ataatsimiititamut saqqummiunneqartussat, ilisimatitsissutigineqarput.

Ingerlatsivimmit ataatsimiititaq suliassanik oqaluuserineqartussanik ilisimatinneqassasoq kissaatigineqarpoq, taamaalilluni ataatsimiititami ilaasortat piareersarluarsinnaaniassammata aamma ataatsimiititap ataatsimiinnissaanut ataasiakkaanut oqaluuserisassat aalajangiunneqannginneranni. Ataatsimiititami oqaluuserineqarnissaannut piffissaliussaq suli aalajangiunneqanngilaq, soorluttaaq immikkoortut allannguuteqarsinnaasut.

Piffissami matumani ingerlatsivimmit suliassat uku ukiup affaani tulliuuttumi ataatsimiititamit oqaluuserineqartussatut naatsorsuutigineqartut ilisimaneqarput:

- Angerlartitsinerit pillugit peqqinnissaqarfimmik nutaamik isumaqatigiissuteqarneq pillugu ilisimatitsissut
- Suliat pitsaassusissaasa allaaserineqarnerat 2026
- Innarluutillit pillugit immikkoortumi pilersaarutip killiffia
- Utoqqaat pillugit immikkoortumut pilersaarutip killiffia

Ataatsimiititami ukiumut arlaleriarluni oqaluuserineqartussat aalajangersimasut, takussutissami ilaatinneqanngillat.

Ingerlatsivimmit ukiup affakkaartumik utoqqarnut suliassaqarfimmi killiffik pillugu ilisimatitsisoqartarpoq. Massakkumut ukiup affakkaartumik killiffiit assigiinnik imaqartarput kisianni ingerlatsivimmit siunissami imarisaannik sukaterisoqassaaq ukiullu affakkaartumik killiffinni ersarissumik qitiutitsisoqartassaaq. Upernaakkut innuttaasut katitigaanerisa ineriartornerat aamma suliassaqarfimmi aqqiussuussinikkut ineriartorneq kiisalu siunissami sulinissamut pingaaruteqassusaat qitiutinneqartassaaq. Ukiakkut suliassaqarfimmi ingerlatsineq, missingersuutit aamma missingersuutit pillugit isumaqatiginninniarnit malinnaaffigineqarnissaat qitiutinneqassaaq. Ukiup affakkaartumik killiffissiuinerit tamarmik aningaasaqarnermut naammagittaalliutigut suliassanik malinnaaffiginninnermik suli imaqartassapput. Ilanngussaq takuuk.

Ingerlatsivimmit aningaasatigut sulisoqarnikkullu naliliinerit

Attuumassuteqanngilaq.

Suliffeqarfimmut Kiffartuussivimmit aningaasatigut naliliineq
Attuumassuteqanngilaq.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq

Ilanngussaq

1. Ukiup affaanut killiffiup ilusaa

Punkt 2: Utoqqaat illuini ingerlatsinermut tunngatillugu nakkutilliineq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Nakkutilliilluni nalunaarusiat ataatsimut eqikkarneri



Utoqqaat illuini ingerlatsinermut tunngatillugu nakkutilliineq pillugu ilisimatitsissut

Piffissami decembari 2024 - marsi 2025-mi nakkutilliineq

Ilisimatitsissut

SagsID.: EMN-2025-02476

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Utoqqarnik Isumassuinnermullu

Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliap saqqummiunnera

Kommuneqarfik Sermersuumit kommunimi utoqqaat illuini aamma utoqqaat najugaqatigiiffianni, Isumaginninnermi suliassa qarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. aggusti 2021-meersoq malillugu, ukiumut ingerlatsinermut nakkutilliineq ingerlanneqartarpoq. Nakkutilliinnermi utoqqaat illuisa pitsaassusaat qulaajarneqarnissaat nalilerneqarnissaallu aammalu pitsanngorsaattissanik innersuussinissaq siunertaavoq. Taamaaliornikkut kommunip innuttaasunut sullissinerani pitsaassusissatut aalajangersakkat sulisullu sulinerminni atugarisaat qulakkeerneqartarput.

Utoqqaat illuinut pingasunut kommunip nakkutilliinerisa decembarimi 2024-miit marsimi 2025-mut ingerlanneqarnerat uani allaaserineqarput:

- Ippiarsuk, Nuuk
- Utoqqaat Illuat, Nuuk
- Puilasunnguit, Paamiut

Ilanngussaq 1-imi nakkutilliinnermut nalunaarusiat ataatsimut eqikkarneqarneri ataatsimoortinneqarput, taakkunani inerniliinerit pingaarnerit innersuussutillu eqikkarneqarlutik. Tullinguuttuni nakkutilliivigineqartunut ataasiakkaat erseqqissaatigineqarput.

- Utoqqaat illuini suliatiqut periutsit atortullu atorineqartarput, kisianni paaqqinninneq nakorsaatinillu atuinermut nalunaarsueriaatsit assigiinngitsuupput, tamannalu pitsaassutsimut sunniuteqarpoq
- Uppernarsaasiornermut journaliliornermullu atortorissaarutip GetOrganized-ip atorineqarnerata tamakkiisumik isiginninnissamut periarfissaqartitsinnginnera aaqqissuussaannnginneralu pissutigalugit najugaqartut unammillernartitaat pisariaqartitaallu paasiuminaatsinneqarput
- Sulisut sulineri avatangiisinut aaqqissuussaaneq pillugu ilisimasaqarnerat amigarpoq
- Ippiarsuk sulisunik uppernarsaatinik nalunaarsuisarnermut atortorissaarut GetOrganized atornissaanut pikkorissaaniarluni suliniuteqarsimavoq
- Ippiarsummi najoqqutassiatut allagaatit sulisunut tamanut atuarneqarsinnaanngornikuupput
- Utoqqaat Illuata aqutsinermik nakkutilliinnermi allattuiffissanik nutaanik atuilernikuuvoq, paasissutissat suut najugaqartunut tunniunneqartarnersut/tunniunneqarsimannginnerisut takuneqarsinnaaniassammata
- Puilasunnguit ulluinnarni suleriaaseq ullormut pilersaarutininik taaneqartartoq atulersippaa, tamannalu piffissap ingerlanerani pitsaasumik paaqqutarinninnermik, peqqinnissakkut nalunaarsugaateqarnermik ullormullu allattuinnermik qulakkeerissaq



- Puilasunnguini napparsimalluni sulinngitsoortartut sulinngitsoortartullu paaqqinnittarfinnut allanut naleqqiullugit amerlanerupput

Nakkutilliisup oqaaseqaatai innersuussutaalu tunngavigalugit Utoqqarni suliassa qarfirmi pisortaq ilisimatitsivoq, utoqqaat pillugit sulianut tamanut tunngatillugu ilinniartitsinermik pitsaassutsimillu qulakkeerinnittussamik atorfinitsitsisoqassasoq. Kommuniq utoqqaat paaqqinnittarfiini sulianut tunngasunut, uppersaatinik katersuinermit sulisunillu ilinniartitsinermut tunngatillugu aaqquissuussaannerusumik ataatsimoornerusumillu periuseqartoqarnissaa isumagineqassaaq.

Ingerlatsivimmit aningaasatigut sulisoqarnikkullu naliliinerit

Aningaasatigut allaffissornikkullu kinguneqanngilaq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaatiillit

- o Isumaginninnermik suliassa qarfirmi nakkutilliisarneq pillugu Namminersorlutik Oqartussat nalunaarutaat nr. 49, 31. agusti 2021-meersoq
- o Inuit innarluutillit tapersersorneqarnissaannut Inatsisartut inatsisaat nr. 13, 12. juuni 2019-imeersoq

Ilanngussat

1. Nakkutilliilluni nalunaarusiat ataatsimut eqikkarneri
2. Ippiarsummi nakkutilliinermi nalunaarusiaq 2024
3. Utoqqaat Illuani nakkutilliinermi nalunaarusiaq 2024
4. Puilasunnguarmi nakkutilliinermi nalunaarusiaq 2025

Punkt 3: Gerontopsykiatriip erseqqissarneqarnera (utoqqarnut tarnip nakorsa qarfia)

Beslutning

Ilisimatitsissut tusaatissatut tiguneqarpoq.

Bilag

Bilag 1 - Kortlægning af det gerontopsykiatriske område KAL.pdf



Gerontopsykiatriip erseqqissarneqarnera (utoqqarnut tarnip nakorsa qarfia)

Ilisimatitsissut

SagsID.: EMN-2025-01406

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Utoqqarnut Isumassuinnermullu Ataatsimiititamut kiisalu Isumaginninnermut Inunnulu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

2025-mut missingersuutit pillugit isumaqatigiisummi Kalaallit Nunaanni gerontopsykiatriip misissuiffigeqqissaarneqarnissaanut suliartoqassasoq isumaqatigiisutigineqarpoq. Missingersuutit pillugit isumaqatigiisummut atatillugu suliassamut aningaasaliisoqanngilaq. Suliffeqarnermut Isumaginninnermullu Ingerlatsivimmit taamaattumik gerontopsykiarii nukissat piusut suliutigullu piginnaasat aallaavigalugit erseqqissarlugu sularineqarpoq. Ingerlatsivimmit nangillugu nalileneqarpoq, gerontopsykiatri siunissami qanoq isikkoqassanersoq pillugu eqqartueqatigiittarnissanut aallaavittut atussallugu erseqqissarneqarnerata pitsaassusaa naammattoq.

Erseqqissaalluni suliamut atatillugu, sulialinniit arlalinniit paasisanik paasissutissatullu atortussanik Suliffeqarnermut Isumaginninnermullu Ingerlatsivimmiit pissarsiniarneq sulissutigineqarpoq. Ingerlatsivik ilaatigut Peqqissutsimut Inunnulu Innarluutilinnut Naalakkersuisoqarfimmut, Nunatta Nakorsaaneqarfianut, Tiliumut, Peqqinnissaqarfimmut, Naatsorsueqqissaartarfimmut Ilisimatusarfimullu allakkatigut saaffiginnissuteqarpoq. Suliassaqarfimmi ilisimatuussutsikkut suliniutaareersut Peqqissutsimut Inunnulu Innarluutilinnut Naalakkersuisoqarfimmit innersuussutigineqarput, tamatumalu saniatigut erseqqissaanermik suliqaarneq eqqarsaatigalugu sulialinnit allanit akissutinik imaluunniit suleqateqarniarnermik ingerlatsivik iluatsitsinngilaq.

Gerontopsykiatriimit utoqqarni tarnikkut napparsimanernut tunngasunik suliniarfigineqartarput, taakkunani suliniarfigineqartut tarnikkut nappaataasunut utoqqaliartornermut tunngasuupput, taamaattorli aamma utoqqaanermi pigiinnarneqartartunut tunngasuullutik. Erseqqissaanermi inerniliineq naapertorlugu gerontopsykiatriimi innuttaasut isumaginissaannut aqqqissuussaannikkut sulisutigullu peqarnissamut ineqarnermut neqeroorutinik ullumikkut amigaaqartoqarpoq. Innuttaasut ilaat Isumaginninnermut Aqutsisoqarfiup suliassaqarfiani ulloq unnuarlu neqeroorummiinnissaminnut pisariaqartitsissapput. Inuit innarluutillit pillugit tapersersuinnermut inatsisip aamma utoqqarnik paaqutarinniffiit pillugit Inatsisartut peqqussutaata akornanni inatsisitaanut tunngasut qulaajarneqarnissaat kiisalu innuttaasut kommunip neqeroorutaaniitneqassappata pissaanermik atuinermut inatsisip naleqqussarneqarnissaa pisariaqartinneqarpoq. Unamminartua tassaassaaq, ukiuni tulluuttuni innuttaasut gerontopsykiatriimit sullinneqarnissaminnut pisariaqartitsisut naatsorsuutigisamik amerliartussasut. Erseqqissaanermut tunngasoq ilanngussaq 1-imi takuneqarsinnaavoq.

Ingerlatsivimmit aningaasatigut sulisoqarnikkullu naliliinerit

Soqanngilaq.



Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- 2025-mi missingersuutit pillugit isumaqatigiissut
- Innarluutillit pillugit immikkoortumut pilersaarut 2021-2026

Ilanngussat

1. Suliassaqarfiup gerontopsykiatriip erseqqissarneqarnera

Punkt 4: Tunumi inissiat utoqqarnut naleqqussakkat naliliiffigineqarnissaat pillugu siunnersuut

Beslutning

Inassuteqaat akuersissutigineqarpoq.

Bilag

Tunumi utoqqarnut- innarluutilinnullu naleqquttunik inissiat pillugit naliliineq

Tunumi inissiat utoqqarnut naleqqussakkat naliliiffigineqarnissaat pillugu siunnersuut

Kommunalbestyrelsimi ilaasortap Egon Poulsenip (S) Kommunalbestyrelsimut siunnersuutaa

Aalajangiiffigisassaq

SagsID.: EMN-2025-01776

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Utoqqarnik Isumassuinerimullu

Ataatsimiititamut inassuteqaatigaa:

1. allaffeqarfimmit inissiat utoqqarnut innarluutilinnullu naleqqussakkat iluarsaanneqarnissaat allangortinnissaallu pillugu siunnersuut piginnittunik ataatsimiititsinerni Iserit A/S-imut saqqummiunneqassasoq.
2. kommunit inissialiornissaannut ukiuni qulini pilersaarusiame utoqqarnut innarluutilinnullu naleqquttunik inissialiornissamik siunnersuut politikkikkut pingaarnersuinerimi ilanngunneqassasoq

Suliassamik saqqummiussineq

2025-mi juunip 17-ianni kommunalbestyrelsimi kommunalbestyrelsimut ilaasortap Egon Poulsenip (S) Tasiilami, Kuummiuni, Kulusummi Ittoqqortoormiinilu utoqqarnut pitsaanerpaamik inissialiornissamik nalilersuinnissamik siunnersuutaa oqaluuserineqarpoq. Kommunalbestyrelsimi aalajangiisoqarpoq, "Suliaq Utoqqarnik Isumassuinerimullu Ataatsimiititamut ingerlatinneqassaaq kingornagullu missingersuutunik isumaqatiginninniarnermut ilaatinneqassasoq".

Isumaginninnermut Suliffeqarnermullu Ingerlatsivimmit inissiat pineqartut, taakkua qanoq innerat taakkunungalua naleqqunnerat pillugit paasissutissiisoqarsimavoq.

Utoqqarnut innarluutilinnullu naleqquttunik inissianik pioreersunik nalilersuineq

Tasiilami najukkamilu eqqaaniittuni utoqqarnut innarluutilinnullu naleqquttut inissiat 20-upput, Ittoqqortoormiini marluullutik. Inissiat tamarmik Iserit A/S ataaniipput

Iserit A/S naliiivoq, inissiat Kulusummi Kuummiuniittullu annertuumik iluarsagassasut, inissiallu sinneri iluarsarneqarnissaannut pisariaqarallangitsaq. Inissiat ataasiakkaat qanoq innerinik - Iserit AS-miit paasissutissaat tunngavilugit - ilanngussaq 1-imi takuneqarsinnaapput.

Utoqqarnut innarluutilinnullu inissiat tassaannerusarput inini allerni tummerartaqanngitsuni imaluunniit aqqusinermit arlalialunnguanik alloriusartalinneittut. Inissiat ikiorsiissutissanik soorlu (matut silittut, matut alloriartarfiit peqanngitsut, napparsimavimmiit siniffiit inissaqarnissaanut assigisaalu) aqqissuunneqarnissaanik najoqqutassaqaanngilaq. Utoqqarnik tulleriissaarisartut inissiat immikkoortittarpaat pingasunut immikkoortunut sullinniakkat piukkunnassusaat malillugit:

- Piukkunnaateqarnerpaat: Issiavimmik assakaasulimmik atuisut
- Piukkunnaatillit: Pitsorluttut/ rollatorertullu
- Piukkunnarpallaanngitsut: Ineqartut majuartarfikkut assiaqutitalimmi naatumik pisussinnaasut

Utoqqarnik tulleriissaarisartut utoqqaat inissiaanik misissuinerup juunimi 2022-meersup takutippaa Ittoqqortoormiini utoqqarnut innarluutilinnullu inissiat marluk najugaqartunut majuartarfinnik arlaqanngitsunik pisussinnaasunut tulluurtuusut, Tasiilamilu inissiat Tsittamummiittut pisussinnaanngitsunut rollatorinik atuisunut tulluurtuusut.

Utoqqarnut innarluutilinnullu naleqquttunik inissianik amerlanerusunik pisariaqartitsisoqarneranik naliliineq

Ingerlatsivik utoqqarnut nammineersinnaanerusunut utoqqarnut - innarluutilinnullu inissianik naleqquttunik pisariaqartitsineq qanoq annertutiginersoq ilisimasaqanngillat, utoqqaat innarluutillik, soorlu pitsorluttut kisiisa inissianik tunineqartarmata. Ilimagineqarporli inissianik pisariaqartitsisoqarnerulissasoq utoqqaat amerlatsikkiartornerat peqputigalugu. Naatsorsueqqissaartarfiup innuttaasunik naatsorsueqqissaarnera naapertorlugu Tasiilami eqqaanilu 2030-mi 213-inik 67-ileereersimasunik innuttaasoqassaaq, tassa 2020-mut sanilliullugu 49 procentimik amerleriarsimallutik.

Suliffeqarnermut Isumaginninnermullu Ingerlatsivimmit nalilernerqarpoq, kommune tamakkerlugu inissianik utoqqarnut- aamma innarluutilinnut naleqqussakkanik pisariaqartitsisoqartoq, tamatumunnga ilanngullugu Tunumi. Tasiilami juunimi 2025-mi utoqqarnut innarluutilinnullu naleqquttunik inissianut utaqqisut arfiniliipput, Ittoqortoormiini utaqqisut allassimaffiani allaqqasoqarnani. Pingaartumik Tasiilami utoqqarnik- innarluutilinnullu naleqqussakkanik inissianik pisariaqartitsisoqarneruvoq. Inoqarfinni mikinerusuni angerlarsimaffimmi ikiorteqarniarneq Tasiilamituulli annertutiginnigmat, inoqarfinni utoqqartaat nuuttariaqartarput Tasiilamut. Taamaattoq ajunnginnerussaaq Tasiilami utoqqarnut- innarluutilinnullu naleqquttut inissiat annertusarneqarata.

Utoqqarnut- innarluutilinnullu naleqquttunik inissialiortoqassappat, ikorsiissutit inissaqartinneqarnissaannut, isersinnaanermut il.il. tunngatillugu inissianut nutaanut minnerpaaffissanik aalajangersaasoqassasoq, ingerlatsivik innersuussutigaat. Inatsisini ilaatigut siunnersuutigineqarpoq inissianik nutaanik sanaartornerni najoqqutassiat soorlu inuit innarluutillit pillugit isumaqatigiissutaat naapertorlugu tamanut tulluurtumik ilusilersuineq eqqarsaatigineqartassasut.

Nutaanik inissialiornissamut pilersaarut

Piffissami 2025-imi missingersuusiorfiusumi nutaanik inissialiornissamut Iserit A/S-imut ukiumut 50 mio. koruunit immikkoortinneqassappat. Kommunip Iserit A/S suleqatigalugu ukiuni qulini ineqarnermut pilersaarusiorniarpog, tassani nalinginnaasumik inissialiornit siunissamut ungasissumut politikikkut pingaarnersiunerit ataatsimoortinneqarlutik.

Iserit A/S-ip piginnittut septembarip arfineq-pingajuanni ataatsimeeqatigippagit ukiunut qulinut pilersaarummik suliarinninnissamut pilersaarutaagallartoq saqqummiunneqassaaq. Iserit A/S septembarimi immikkut sammisaqarnermi Kommunalbestyrelsimut saqqummiumaarpoq. Politikikkut pingaarnersiunerit, inuillu amerlassusaat utaqqisullu allattorsimaffii ukiuni qulini pilersaarummut tunngaviussappat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Inissianik attartortitsisarneq pillugu Inatsisartut peqqussutaat pillugu Namminersorlutik Oqartussat nalunaarutaat nr. 32, 2. aprili 2025-meersoq
- Pilersaarusiornermut periusissiaq 2023
- Inuit innarluutillit pillugit politikki 2024-2028
- Utoqqaat pillugit politikki



Ilangussaq

1. Tunumi utoqqarnut- innarluutilinnullu naleqquttunik inissiat pillugit naliliineq

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akursissutigineqarpoq nal. 16:33